



Vedtekter for skulefritidsordningane i Bjerkreim kommune

Vedtekter til skulefritidsordningane er laga i henhold til opplæringslova §13-7. Vedtektene skal godkjennast av kommunestyret og er såleis å rekna som lokal forskrift.

§1 Eigarforhald

- 1.1 Bjerkreim kommune eig og er ansvarleg for drifta av skulefritidsordning (SFO) på Bjerkreim og Vikeså skule. SFO vert drifta av den enkelte skule.
- 1.2 SFO er organisert under tenesteområde oppvekst og kultur.
- 1.3 SFO ved kvar skule har ein dagleg leiari, men rektor ved skulen har det overordna administrative og økonomiske ansvaret for ordninga. Kommunestyret har det politiske ansvaret for forvaltninga av skulefritidsordningane i kommunen.

§2 Opptaksmyndigheit

- 2.1 Rektor ved den enkelte skule er opptaksmyndigheit til SFO.

§3 Opptakskriterium


- 3.1 I utgangspunktet får alle barn på 1.-4.årstrinn plass etter søknad. Barn med særskilte behov på 5.-7.årstrinn kan og få plass etter søknad etter §1B-3 i forskrift til opplæringslova.

§4 Opptaksperiode og oppseiing av SFO-tilbod

- 4.1 Søknad om opptak ved SFO skal gjerast elektronisk på skjema til Bjerkreim kommune. Informasjon om dette finnes på heimesida til skulen.
- 4.2 Opptaksperiode er som elevane sitt skuleår.
- 4.3 Feriepakkar bestillast særskilt.
- 4.4 Ved oppseiing av plass i SFO skal det betalast for inneverande månad pluss neste månad etter oppseiingsdato. Eleven kan nytta tilbodet i oppseiingstida.

§5 Foreldrebetaling

- 5.1 Betalingsattsar for SFO blir vedteke i kommunestyret i samanheng med budsjettbehandlinga.
- 5.2 Dersom foreldrebetalinga blir misleghaldt, kan barnet miste plassen i SFO.
- 5.3 Betalinga vert fordelt på ti fakturaer, første i september og siste i juni. Betalingsfri månad i juli og august.
- 5.4 Frå 01.08.22 er det 12 timer gratis SFO for 1.årstrinn jf §1B-4 i forskrift til opplæringslova. Frå 01.08.23 er det 12 timer gratis SFO og for 2.årstrinn.



5.5 Ettermiddagsmåltid er inkludert i prisen.

5.6 Søskenmoderasjon på 25 % vert gitt frå barn nr 2.

5.7 Prisane blir indeksregulert 1. januar kvart år, men vil ikkje ha konsekvensar før skulestart i august same år.

5.8 Familiar med låg inntekt kan søka om redusert foreldrebetaling for SFO-plass for barn i 1.-4.trinn. Søknadskjema ligg under SFO på kommunen si heimeside.

§6 Leike- og opphaldsareal

6.1 SFO disponerar egne lokal. I tillegg har dei tilgang til skulen sine lokal og uteareal utanom skulen si opningtid.

§7 Dagleg opphaldstid og årleg opningtid

7.1 SFO har ope i skuleåret måndag til fredag frå kl.07.00-16.30 i perioder elevane ikkje har undervisning eller friminutt. Opningtida følger skuleruta.

7.2 For haustferie, vinterferie, kvardagar i jule- og påskeferie, tida frå skuleslutt i juni og ut månaden, samt kvardagar i august før skulestart kan ein kjøpa feriepakkjar ved SFO Vikeså skule.

7.3 SFO er stengt julafta, nyttårsafta, i juli månad og på skulen sine planleggingsdagar.

7.4 Gebyr for elevar som bli henta etter stengetid er på 150kr.

§8 Bemanning og leining

8.1 Rektor ved skulen er SFO sin øvste leiar.

8.2 SFO-leiar har ansvar for den daglege drifta av ordninga.

8.3 Øvrig bemanning i SFO vert tilsett slik at drift er forsvarleg ut i frå brukarar med særskilte behov, og behovet til gruppa generelt.

